

**-UPRAVNI ODBOR-**

Broj: 02-40-2/20

Sarajevo, 20. 07. 2020. godine

Na osnovu člana 129. Zakona o visokom obrazovanju („Sl. novine Kantona Sarajevo“, broj: 33/17), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, Upravni odbor Univerziteta u Sarajevu, na 25. elektronskoj sjednici održanoj dana 20. 07. 2020. godine, donio je *s l j e d e ć u*

ODLUKU**I**

Daje se saglasnost prof. dr. Rifatu Škrijelju, rektoru Univerziteta u Sarajevu za zaključenje Ugovora o saradnji u okviru projekta pod nazivom: „*Cultural cooperation for the enhancement of the connections between the cultural identity of local communities, work and museums*“ **MUSOUT** - (Kulturna saradnja za unapređenje veza između kulturnog identiteta, lokalnih zajednica, rada i muzeja), broj projekta: EACEA-39-2019-1, između Općine Monfalcone, (R. Italija), koordinatora projekta i Univerziteta u Sarajevu, partnera, kojeg u svrhu potpisivanja Sporazuma predstavlja gradonačelnica Anna Maria Cisint i Univerziteta u Sarajevu kao projekt partnera (korisnika).

II

Sredstva koja su Budžetom projekta planirana Univerzitetu u Sarajevu će se unijeti u Finansijski plan Univerziteta u Sarajevu.

III

Ovlašćuje se rektor Univerziteta u Sarajevu za implementaciju Ugovora, navedenog u tački I ove odluke, putem Arhitektonskog fakulteta Univerziteta u Sarajevu, uz obavezu kvartalnog izvještavanja Upravnog odbora Univerziteta u Sarajevu o implementaciji Ugovora.

IV

Odgovornost za realizaciju/implementaciju Ugovora uredit će se posebnim ugovorom, koji će se zaključiti između rektora Univerziteta u Sarajevu i dekana Arhitektonskog fakulteta Univerziteta u Sarajevu.

V

Za realizaciju ove Odluke zadužuje se Služba za računovodstvo i finansije, Centar za podršku naučnoistraživačkom radu Univerziteta u Sarajevu i stručne službe Arhitektonskog fakulteta Univerziteta u Sarajevu, a što će se preciznije urediti posebnim sporazumom između rektora Univerziteta u Sarajevu i dekana Arhitektonskog fakulteta Univerziteta u Sarajevu.

VI

Ova Odluka stupa na snagu danom donošenja.

Obrazloženje

Na osnovu dostavljene dokumentacije od strane Arhitektonskog fakulteta Univerziteta u Sarajevu koja se odnosi na Ugovora o saradnji u okviru projekta pod nazivom: „*Cultural cooperation for the enhancement of the connections between the cultural identity of local communities, work and museums*“ **MUSOUT** – (Kulturna saradnja za unapređenje veza između kulturnog identiteta,

lokalnih zajednica, rada i muzeja), broj projekta: EACEA-39-2019-1, konstatirano je da navedeni projekat kao koordinator projekta (Leading partner) provodi Općina Monfalcone - (R. Italija), te da se Univerzitet u Sarajevu javlja kao projekt partner, odnosno korisnik, koji će provoditi projekat putem svoje članice Arhitektonskog fakulteta Univerziteta u Sarajevu.

Ugovorom o saradnji koordinator projekta i projekt partner se obavezuju na provedbu program rada koji je predmet ovog Ugovora, a koji potpada pod Grant Agreementa prema EACEA.

Projekt provodi konzorcij od 4 partnera/korisnika i to:

- JU Pomorski muzej Crne Gore (Crna Gora);
- Pomorski muzej-Museo del mare "Sergej Masera" Piran-Pirano (Slovenija);
- Muzej nauke i tehnike (Srbija);
- Univerzitet u Sarajevu (Bosna i Hercegovina).

Ciljevi projekta su razvoj svijesti o problematici (radionice osnaživanja), usporedna analiza i objavljivanje publikacija na temu „Ljudi i rad“ (workmanship), analize u laboratoriji s osnovnim školama (3 laboratorija po PP, jedan za zagađenu vodu, jedan za geografske i kulturne odnose među partnerskim područjima, jedan za veze između ljudi i posla), studijska posjeta i stručna ocjena (Studijska posjeta Muzeju brodogradilišta Elsinore u Danskoj, studijska posjeta Pomorskom muzeju Split u Hrvatskoj, recenzija), čime bi se izveli zaključci na osnovu kojih bi se jačale kulturne saradnje i u konačnici dao doprinos u datom segmentu.

Univerzitetu u Sarajevu su Budžetom projekta predviđena sredstva u iznosu od 66.929,00 eura, koja će se unijeti u Finansijski plan Univerziteta u Sarajevu. U skladu sa navedenim, Upravni odbor je donio odluku kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Arhitektonskom fakultetu UNSA
- RektorU UNSA
- Predsjedniku i članovima UO UNSA
- Internom revizoru
- Generalnom sekretaru
- Službi za računovodstvo i finansije UNSA
- Centru za podršku naučnoistraživačkom radu
- U dokumentaciju Upravnog odbora UNSA
- a/a

**-UPRAVNI ODBOR-**

Broj: 02-40-3/20

Sarajevo, 20. 07. 2020. godine

Na osnovu člana 129. u vezi sa članom 175. stav (6) Zakona o visokom obrazovanju („Sl. novine Kantona Sarajevo“, broj: 33/17), kao i na osnovu člana 55. Statuta Univerziteta u Sarajevu, a u vezi sa članom 3. i članom 10. stav (1) i (2) Pravilnika o zakupu prostora na Univerzitetu u Sarajevu i članom 36. stav (1) Poslovnika o radu Upravnog odbora Univerziteta u Sarajevu, na osnovu Zahtjeva Šumarskog fakulteta Univerziteta u Sarajevu broj: 01/1-1631/20 od 16. 07. 2020. godine, kao i na osnovu prijedloga Centralne komisije Univerziteta u Sarajevu broj: 0105-7348/20 od 06. 07. 2020. godine, Upravni odbor Univerziteta u Sarajevu je, na 25. elektronskoj sjednici održanoj dana 20. 07. 2020. godine, donio *sljedeću*

ODLUKU**I**

Daje se saglasnost za zaključenje Ugovora o zakupu poslovnog prostora Šumarskog fakulteta Univerziteta u Sarajevu, koji se nalazi u okviru zgrade Šumarskog fakulteta Univerziteta u Sarajevu, ul. Zagrebačka broj 20, ukupne površine 12,46 m², za obavljanje stručne, znanstvene i tehničke djelatnosti, administrativne i pomoćne uslužne djelatnosti, između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i NIGD DNEVNE NEZAVISNE NOVINE d.o.o. Banja Luka, ul. Braće Pišteljić broj 1, 78000 Banja Luka kojeg zastupa Neven Kapanja, direktor.

II

Univerzitet u Sarajevu je dužan sredstva ostvarena na osnovu Ugovora iz tačke I ove Odluke utrošiti na transparentan način.

III

Za realizaciju ove Odluke zadužuje se Komisija za poslovne prostore Šumarskog fakulteta Univerziteta u Sarajevu.

IV

Ova Odluka stupa na snagu danom donošenja.

Obrazloženje


Upravnom odboru Univerziteta u Sarajevu je od strane Komisije za poslovne prostore Šumarskog fakulteta Univerziteta u Sarajevu dostavljen Prijedlog Ugovora o zakupu poslovnog prostora u sklopu Šumarskog fakulteta Univerziteta u Sarajevu, koji se nalazi u okviru zgrade Šumarskog fakulteta Univerziteta u Sarajevu, ul. Zagrebačka broj 20, ukupne površine 12,46 m², za obavljanje stručne, znanstvene i tehničke djelatnosti, administrativne i pomoćne uslužne djelatnosti, između Univerziteta u Sarajevu kojeg zastupa prof. dr. Rifat Škrijelj, rektor

Univerziteta u Sarajevu i NIGD DNEVNE NEZAVISNE NOVINE d.o.o. Banja Luka, ul. Braće Pišteljić broj 1, 78000 Banja Luka kojeg zastupa Neven Kopanja, direktor.

Imenovani ponuđač je izabran na osnovu Prijedloga Komisije za poslovne prostore Šumarskog fakulteta Univerziteta u Sarajevu broj: 01/1-1518/20 od 03. 07. 2020. godine.

Cijeneći prijedlog Komisije za poslovne prostore Šumarskog fakulteta Univerziteta u Sarajevu, a postupajući u skladu sa odredbom člana 10. Pravilnika o zakupu prostora na Univerziteta u Sarajevu (broj: 02-18-1/19 od 25. 01. 2019. godine) i odredbom člana 7. Pravilnika o izmjeni i dopuni Pravilnika o zakupu prostora na Univerzitetu u Sarajevu (broj: 02-83/19 od 18. 07. 2019. godine), kojom se utvrđuje da Komisija za poslove prostore organizacionih jedinica dostavlja svoj prijedlog Centralnoj komisiji za davanje u zakup poslovnih prostora, rektor Univerziteta u Sarajevu je donio Odluku o izboru najpovoljnijeg ponuđača broj: 0101-7128/20 od 06. 07. 2020. godine.

Stoga je Upravni odbor Univerziteta u Sarajevu uvažavajući prijedlog organizacione jedinice (prijedlog Komisije organizacione jedinice i prijedlog Centralne komisije) i rektora Univerziteta u Sarajevu, donio odluku kao u dispozitivu.

**PREDSJEDNIK
UPRAVNOG ODBORA**
Dr. sc. Murat Ramadanović

Dostaviti:

- NIGD DNEVNE NEZAVISNE NOVINE d.o.o. Banja Luka, ul. Braće Pišteljić broj 1, 78000 Banja Luka, putem Šumarskog fakulteta
- Dekanu Šumarskog fakulteta UNSA
- Centralnoj komisiji za zakup prostora
- Komisiji za zakup prostora Šumarskog fakulteta UNSA
- Rektor
- ☉ Predsjedniku i članovima UO UNSA
- Internom revizoru
- Generalnom sekretaru
- Služba za računovodstvo i finansije UNSA
- U dokumentaciju Upravnog odbora UNSA
- a/a

Univerzitet u Sarajevu - Obala Kulina bana 7 - 71 000 Sarajevo - Bosna i Hercegovina

Telefon : ++387(33)226-378; ++387(33)668-250; fax: ++387(33)226-379

<http://www.unsa.ba>

Dr

**-UPRAVNI ODBOR-**

Broj: 02-40-4/20

Sarajevo, 20. 07. 2020. godine

Na osnovu člana 129. u vezi sa članom 175. stav (6) Zakona o visokom obrazovanju („Sl. novine Kantona Sarajevo“, broj: 33/17), kao i na osnovu člana 55. Statuta Univerziteta u Sarajevu, a u vezi sa članom 3. i članom 10. stav (1) i (2) Pravilnika o zakupu prostora na Univerzitetu u Sarajevu i članom 36. stav (1) Poslovnika o radu Upravnog odbora Univerziteta u Sarajevu, na osnovu Zahtjeva Šumarskog fakulteta Univerziteta u Sarajevu broj: 01/1-1630/20 od 16. 07. 2020. godine, kao i na osnovu prijedloga Centralne komisije Univerziteta u Sarajevu broj: 0105-7348/20 od 06. 07. 2020. godine, Upravni odbor Univerziteta u Sarajevu je, na 25. elektronskoj sjednici održanoj dana 20. 07. 2020. godine, donio *s l j e d e ć u*

ODLUKU**I**

Daje se saglasnost za zaključenje Ugovora o zakupu poslovnog prostora Šumarskog fakulteta Univerziteta u Sarajevu, koji se nalazi na Igmanu, Hadžići, upisane K.O. LOKVE, ZONA Opština Hadžići: III, ukupne površine od 405,76m² za obavljanje djelatnosti kojima se bave sportsko-rekreativna, turistička i šumarska društva/udruženja, između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i Udruženja „Igra“, ul. Ruđera Boškovića broj 155, Novo Sarajevo, kojeg predstavlja i zastupa predsjednik Udruženja, Emir Makaš.

II

Univerzitet u Sarajevu je dužan sredstva ostvarena na osnovu Ugovora iz tačke I ove Odluke utrošiti na transparentan način.

III

Za realizaciju ove Odluke zadužuje se Komisija za poslovne prostore Šumarskog fakulteta Univerziteta u Sarajevu.

IV

Ova Odluka stupa na snagu danom donošenja.

Obrazloženje

Upravnom odboru Univerziteta u Sarajevu su od strane Komisije za poslovne prostore Šumarskog fakulteta Univerziteta u Sarajevu dostavljen Prijedlog Ugovora o zakupu poslovnog prostora Šumarskog fakulteta Univerziteta u Sarajevu, koji se nalazi na Igmanu, Hadžići, upisane K.O. LOKVE, ZONA Opština Hadžići: III, ukupne površine od 405,76m² za obavljanje djelatnosti kojima se bave sportsko-rekreativna, turistička i šumarska društva/udruženja, između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i

Udruženja „Igra“, ul. Ruđera Boškovića broj 155, Novo Sarajevo, kojeg predstavlja i zastupa predsjednik Udruženja, Emir Makaš.

Imenovani ponuđač je izabran na osnovu Prijedloga Komisije za poslovne prostore Šumarskog fakulteta Univerziteta u Sarajevu broj: 01/1-1509/20 od 02. 07. 2020. godine.

Cijeneći prijedlog Komisije za poslovne prostore Šumarskog fakulteta Univerziteta u Sarajevu, a postupajući u skladu sa odredbom člana 10. Pravilnika o zakupu prostora na Univerzitetu u Sarajevu (broj: 02-18-1/19 od 25. 01. 2019. godine) i odredbom člana 7. Pravilnika o izmjeni i dopuni Pravilnika o zakupu prostora na Univerzitetu u Sarajevu (broj: 02-83/19 od 18. 07. 2019. godine), kojom se utvrđuje da Komisija za poslove prostore organizacionih jedinica dostavlja svoj prijedlog Centralnoj komisiji za davanje u zakup poslovnih prostora, rektor Univerziteta u Sarajevu je donio Odluku o izboru najpovoljnijeg ponuđača broj: 0101-7127/20 od 08. 07. 2020. godine.

Stoga je Upravni odbor Univerziteta u Sarajevu uvažavajući prijedlog organizacione jedinice (prijedlog Komisije organizacione jedinice i prijedlog Centralne komisije) i rektora, donio odluku kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Udruženja „Igra“, ul. Ruđera Boškovića broj 155, Novo Sarajevo, putem Šumarskog fakulteta
- Dekanu Šumarskog fakulteta UNSA
- Centralnoj komisiji za zakup prostora
- Komisiji za zakup prostora Šumarskog fakulteta UNSA
- Rektor
- Predsjedniku i članovima UO UNSA
- Internom revizoru
- Generalnom sekretaru
- Služba za računovodstvo i finansije UNSA
- U dokumentaciju Upravnog odbora UNSA
- a/a

**-UPRAVNI ODBOR-**

Broj: 02-40-5/20

Sarajevo, 20. 07. 2020. godine

Na osnovu člana 129. stav (2) tačka j) Zakona o visokom obrazovanju („Sl. novine Kantona Sarajevo“, broj: 33/17), člana 55. tačka k) Statuta Univerziteta u Sarajevu, odlučujući po prigovoru prof. dr. Emine Alimanović-Halilović broj: 0101-6672/20 od 29. 06. 2020. godine protiv Rješenja Dekana Medicinskog fakulteta Univerziteta u Sarajevu o prestanku Ugovora o radu broj: 01-3-GD-3028/20 od 21. 05. 2020. godine, Upravni odbor Univerziteta u Sarajevu je, na 25. elektronskoj sjednici, održanoj dana 20. 07. 2020. godine donio *sljedeće*

RJEŠENJE

1. Prigovor prof. dr. Emine Alimanović-Halilović izjavljen protiv Rješenja Dekana Medicinskog fakulteta Univerziteta u Sarajevu o prestanku ugovora o radu broj: 01-3-GD-3028/20 od 21. 05. 2020. godine, se prihvata kao osnovan.
2. Rješenje Dekana Medicinskog fakulteta Univerziteta u Sarajevu o prestanku ugovora o radu broj: 01-3-GD-3028/20 od 21. 05. 2020. godine, se poništava.
3. Medicinski fakultet Univerziteta u Sarajevu je obavezan u skladu sa zakonom uspostaviti radno-pravni odnos sa prof. dr. Eminom Alimanović-Halilović.

O b r a z l o ž e n j e

Prof. dr. Emina Alimanović-Halilović podnijela je prigovor Upravnom odboru Univerziteta u Sarajevu dana 29. 06. 2020. godine protiv Rješenja Dekana Medicinskog fakulteta Univerziteta u Sarajevu o prestanku ugovora o radu broj: 01-3-GD-3028/20 od 21. 05. 2020. godine.

U prigovoru je naznačeno da je doneseno rješenje nezakonito, imajući u vidu relevantne odredbe Zakona o visokom obrazovanju Kantona Sarajevo, općih propisa o radu i drugih relevantnih propisa.

Nakon dostavljanja prigovora, Univerzitet u Sarajevu je dana 01. 07. 2020. godine isti uputio prema prvostepenom organu - Medicinskom fakultetu Univerziteta u Sarajevu radi postupanja u skladu sa članovima 230. - 235. Zakona o upravnom postupku („Sl. novine FBiH“, br. 2/98 i 48/99).

Dana 10. 07. 2020. godine Medicinski fakultet Univerziteta u Sarajevu je dostavio očitovanje na predmetni prigovor (broj: 01-3-BS-4197/20 od 08. 07. 2020. godine).

Upravni odbor Univerziteta u Sarajevu je činjenice slučaja rezimirao na sljedeći način:

1. Odlukom Senata Univerziteta u Sarajevu od 28. 09. 2016. godine, prof. dr. Emina Alimanović-Halilović je izabrana u nastavno zvanje redovni profesor za naučnu oblast *Oftalmologija*.
2. Dana 05. 10. 2016. godine prof. dr. Emina Alimanović-Halilović je sa poslodavcem Medicinskim fakultetom zaključila ugovor o radu na neodređeno vrijeme sa nepunim radnim vremenom, sa naznakom da isti traje do okončanja rada u priznatoj nastavnoj bazi Medicinskog fakulteta.
3. Rješenjem Dekana Medicinskog fakulteta Univerziteta u Sarajevu o prestanku ugovora o radu od 21. 05. 2020. godine, koje je prof. dr. Emini Alimanović-Halilović dostavljeno dana 29. 05. 2020. godine, od kada teče zakonom propisani rok od 30 dana za zaštitu prava iz radnog odnosa, u tački II se naznačava da radni odnos imenovane prestaje sa danom 31. 05. 2020. godine.
 - 3.1. Dana 29. 06. 2020. godine prof. dr. Emina Alimanović-Halilović je u zakonom propisanom roku za zaštitu prava iz radnog odnosa podnijela prigovor Upravnom odboru Univerziteta u Sarajevu.

Na osnovu naznačenih činjenica i uvida u dokumentaciju (Prigovor prof. dr. Emine Alimanović-Halilović upućen Upravnom odboru Univerziteta u Sarajevu, putem advokata Behije Ljubović Aganović, broj: 0101-6672/20 od 29. 06. 2020. godine, Punomoć advokata Behije Ljubović Aganović od 26. 06. 2020. godine, Rješenje o prestanku ugovora o radu broj: 01-3-GD-3028/20 od 21. 05. 2020. godine, Ugovor o radu između poslodavca Medicinskog fakulteta Univerziteta u Sarajevu i prof. dr. Emine Alimanović-Halilović, broj: 01-3-GD-5246/16 od 05. 10. 2016. godine, Odluka Senata Univerziteta u Sarajevu izboru u zvanje redovnog profesora broj: 01-5688/16 od 28. 09. 2016. godine, Obrazac Porezne uprave FBiH JS3100 Odjava osiguranja od 27. 05. 2020. godine, Očitovanje Medicinskog fakulteta Univerziteta u Sarajevu na prigovor, broj: 01-3-BS-4197/20 od 08. 07. 2020. godine) Upravni odbor Univerziteta u Sarajevu je konstatirao da je:

Doneseno rješenje nezakonito zbog nepravilne primjene materijalnog prava, odnosno pogrešno utvrđenog činjeničnog stanja.

Naime, Odlukom Senata Univerzitat u Sarajevu od 28. 09. 2016. godine prof. dr. Emina Alimanović-Halilović je u skladu sa odredbom člana 88. stav (1) tačka f) i stav (2) tada važećeg Zakona o visokom obrazovanju – prečišćeni tekst („Sl. novine Kantona Sarajevo“ broj: 42/13 – prečišćeni tekst i 13/15), kao i odredbom člana 94. stav (1) tačka g) i stav (2) sada važećeg Zakona o visokom obrazovanju („Sl. novine Kantona Sarajevo“ broj: 33/17) izabrana u nastavno zvanje *redovni profesor*, koje je trajno zvanje.

Obzirom na zaključeni ugovor o radu između poslodavca i prof. dr. Emine Alimanović-Halilović od 05. 10. 2016. godine, konstatovano je da je ugovor o radu zaključen na neodređeno vrijeme sa nepunim radnim vremenom i naznakom da traje do okončanja rada u priznatoj nastavnoj bazi Medicinskog fakulteta. Ovako zaključen ugovor o radu je protivan kogentnim zakonskim normama, te ne proizvodi pravna dejstva. Izborom u zvanje redovnog profesora, sa prof. dr. Eminom Alimanović-Halilović je na osnovu zakona morao biti zaključen ugovor o radu na neodređeno vrijeme, bez utvrđivanja dodatnih uvjeta u pogledu njegovog trajanja.

Univerzitet u Sarajevu - *Obala Kulina bana 7 - 71 000 Sarajevo - Bosna i Hercegovina*

Telefon : ++387(33)226-378; ++387(33)668-250; fax: ++387(33)226-379

<http://www.unsa.ba>

31

Nadalje, odredbom člana 123. Zakona o visokom obrazovanju („Sl. novine Kantona Sarajevo“ broj: 33/17) je utvrđeno da se u pogledu prava i obaveza iz radnog odnosa akademskog i drugog osoblja na visokoškolskoj ustanovi/organizacionoj jedinici primjenjuju odredbe Zakona o radu FBiH (u momentu zaključenja ugovora o radu između poslodavca i prof. dr. Emine Alimanović-Halilović primjena odredbi Zakona o radu („Sl. novine FBiH“ broj: 26/16)). Zakon o visokom obrazovanju je *lex specialis* zakon prema Zakonu o radu u odnosu na radno-pravni status akademskog osoblja. Svi poslodavci nakon stupanja na snagu Zakona o radu iz 2016. godine imali su obavezu da usklade ugovore o radu do oktobra 2016. godine, odnosno Medicinski fakultet je tom periodu bio u obavezi da uskladi zaključene ugovore o radu sa Zakonom o radu, odnosno Zakonom o visokom obrazovanju. Pri tome, Upravni odbor Univerziteta u Sarajevu je konstatirao da je ovakvim rješenjem o prestanku radnog odnosa prof. dr. Emine Alimanović-Halilović, povrijeđeno pravo na stabilnost zaposlenja člana akademskog osoblja, obzirom da ugovor o radu može prestati na način utvrđen zakonom.

Imajući u vidu zakonom utvrđene nadležnosti Upravnog odbora Univerziteta u Sarajevu, konstatira se da je u cilju sprječavanja daljnjeg vršenja diskriminacije članice akademske zajednice prof. dr. Emine Alimanović-Halilović, potrebno osigurati uvjete za njeno ravnopravno sudjelovanje u realizaciji nastavnog procesa.

Konačno, Upravni odbor Univerziteta u Sarajevu je posebno konstatirao da ovakvim određenjem uvjeta rada i zapošljavanja, prof. dr. Emine Alimanović-Halilović, redovni profesor stavljena u nepovoljniji položaj u odnosu na druge redovne profesore, odnosno došlo je do diskriminiranja.

Obzirom na sve naznačeno, odlučeno je kao u dispozitivu.

Pouka o pravnom lijeku:

Ovo rješenje je konačno i izvršno, a protiv istog se može na način utvrđen zakonom, zahtijevati sudska zaštita.

**PREDSJEDNIK
UPRavnog ODBORA**

Dr. sc. Murat Ramadanović

Dostaviti

- Podnositeljici prigovora prof. dr. Emine Alimanović-Halilović, putem punomoćnika advokata Behije Ljubović Aganović, ul. Radićeva br. 10, Sarajevo
- Medicinskom fakultetu UNSA
- Ⓞ - Predsjedniku i članovima Upravnog odbora
- Generalnom sekretaru
- U dokumentaciju UO
- Arhivi

Univerzitet u Sarajevu - Obala Kulina bana 7 - 71 000 Sarajevo - Bosna i Hercegovina

Telefon : ++387(33)226-378; ++387(33)668-250; fax: ++387(33)226-379

<http://www.unsa.ba>

BA

**-UPRAVNI ODBOR-**

Broj: 02-40-6/20.

Sarajevo, 20. 07. 2020. godine

Na osnovu člana 17. Zakona o javnim nabavkama Bosne i Hercegovine ("Sl. glasnik BiH", broj: 39/14), člana 129. Zakona o visokom obrazovanju Kantona Sarajevo („Sl. novine Kantona Sarajevo“, broj: 33/17), člana 55. Statuta Univerziteta u Sarajevu i člana 36. stav (1) Poslovnika o radu Upravnog odbora Univerziteta u Sarajevu, te na osnovu Prijedloga/Zahtjeva dr. Elmedina Selmanovića, direktora Univerzitetskog tele-informatičkog centra (u daljem tekstu: UTIC) broj: D-139/20 od 14. 07. 2020. godine, Upravni odbor Univerziteta u Sarajevu, na 25. elektronskoj sjednici, održanoj 20. 07. 2020. godine, donio je *s l j e d e ć u*

O D L U K U**o izmjeni i dopuni Plana javnih nabavki integrisanog Univerziteta u Sarajevu za 2020. godinu u dijelu Rektorata Univerziteta u Sarajevu****I**

Utvrđuje se izmjena i dopuna Plana javnih nabavki integrisanog Univerziteta u Sarajevu za 2020. godinu u dijelu organizacione jedinice, Rektorata (Rektorat i centri) Univerziteta u Sarajevu, usvojenog Odlukom Upravnog odbora Univerziteta u Sarajevu broj: 02-19-3/20 od 14. 04. 2020. godine, kao u tabeli koja se nalazi u prilogu i čini sastavni dio ove Odluke.

II

Ova Odluka stupa na snagu danom donošenja, a bit će objavljena u na internet stranici Rektorata Univerziteta u Sarajevu.

O b r a z l o ž e n j e

Upravnom odboru Univerziteta u Sarajevu je od strane UTIC-a dostavljen prijedlog izmjene i dopune Plana javnih nabavki Univerziteta u Sarajevu za 2020. godinu u dijelu koji se odnosi na Rektorat i centri Univerziteta u Sarajevu, broj: D-139/20 od 14. 07. 2020. godine (u daljem tekstu: Zahtjev).

Prethodno je Upravni odbor Univerziteta u Sarajevu donio Odluku kojom se usvaja Plan javnih nabavki integrisanog Univerziteta u Sarajevu za 2020. godinu u ukupnom iznosu od 21.363.767,78 KM bez PDV-a, koji sadrži Plan javnih nabavki Univerziteta u Sarajevu i planove javnih nabavki organizacionih jedinica Univerziteta u Sarajevu, broj: 02-19-3/20 od 14. 04. 2020. godine (u daljem tekstu: Odluka) – (Plan javnih nabavki Univerziteta u Sarajevu u dijelu Rektorat i centri Univerziteta u Sarajevu iznosi 1.341.525,00 KM).

U članu 6. navedene Odluke, utvrđeno je da se plan javnih nabavki tokom budžetske godine može izmijeniti ili dopuniti u skladu sa osiguranim finansijskim sredstvima, odluka kojom se vrši izmjena plana javnih nabavki mora sadržati obrazloženje o neophodnosti i osnovanosti izmjene plana nabavki, odnosno dopune plana sa nabavkama koje se nisu mogle predvidjeti u vrijeme donošenja plana, pod uslovom da su za te namjene osigurana finansijska sredstva.

U obrazloženju predmetnog zahtjeva se navodi da je izmjenu i dopunu Plana javnih nabavki integrisanog Univerziteta u Sarajevu za 2020. godinu u dijelu Rektorata Univerziteta u Sarajevu potrebno realizirati radi razvoja i nadogradnje informacionog sistema *online upisa* na drugi konkursni rok za upis studenata na I ciklus studija, koji će biti realiziran u augustu mjesecu 2020. godine. Slijedom iskustava tokom prvog konkursnog roka za upis studenata na prvi ciklus studija, te ukazane potrebe da se razvije i nadogradi informacioni sistem, utvrđena je potreba za izmjenu i dopuna Plana javnih nabavki za 2020 godinu u dijelu Rektorat i centri.

S obzirom da su nastale nove okolnosti koje se nisu mogle predvidjeti u vrijeme pripreme i donošenja Plana javnih nabavki za 2020. godinu, ukazala se potreba za izmjenom Plana javnih nabavki Rektorata za 2020.godinu.

Cijeneći navedeno odlučeno je kao u dispozitivu.



**PREDSJEDNIK
UPRAVNOG ODBORA**

Dr. sc. Murat Ramadanović



Dostaviti:

- Rektor
- ☞ Predsjedniku i članovima Upravnog odbora
- Direktor
- Izvršnom direktoru
- Generalnom sekretaru
- Službi za računovodstvo i finansije UNSA
- Službi za javne nabavke UNSA
- Služba za plan, analizu i investicije UNSA
- U dokumentaciju Upravnog odbora
- Arhivi

IZMJENA/DOPUNA PLANA NABAVKI UNIVERZITETA U SARAJEVU ZA 2020. GODINU (REKTORAT I CENTRI)

R.br.	Izmjena/do puna Plana nabavki od 20. 07. 2020. N-novo P-promjena B-brisano	Predmet nabavke Oznaka JRJN	Procijenjen a vrijednost nabavke KM bez PDV-a - Plan nabavki od 14.04.2020.	Procijenjena vrijednost Izmjene/dopune Plana nabavki od 20. 07. 2020. KM bez PDV-a	Vrsta postupka nabavke	Zaključuje se ugovor /okvirni sporazum	Planirani početak postupka	Planirano trajanje ugovora /okvirnog sporazuma	Izvor finansiranja
USLUGE									
85.	N-novo	Unaprijeđenje modula online upisa informacionog sistema eUNSA za upis na drugi ciklus studija (72212190-7)	0,00	60.000,00	1	-	III kvartal	Do realizacije	Vlastiti prihodi- UTIC



**PREDSJEDNIK
UPRAVNOG ODBORA**

Dr.sc. Murat Ramadanović

